



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

57. De custodia sepulchri.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO LVII.

De custodia sepulchri.

PUNCTUM PRIMUM.

Sacerdotes & Pharisei ipso sabbato mane Inimicorum Christi feritas. convenerunt apud Pilatum, petentes ut iuberet custodiri sepulchrum: *Quia seductor ille dixerat post triduum resurgam.* Concitati odio & invidia, non curant sabbati observantiam: *seductorem* vocant veritatis Doctorem, vanè timent ne à discipulis corpus auferatur, fingantque resurrexisse illum. Frustrà conantur obfuscare gloriam Christi, quam magis sic illustrarunt.

PUNCTUM II.

Illi ergo *munierunt sepulchrum signantes lapidem cum custodibus.* Nec illis crediderunt ideòque sigillum apposuerunt suum, adeo anxij erant. Signabo ego cor, postquam Christum in Evcharistia accepero, ne evanescat devotio.

PUNCTUM III.

Mansit corpus in sepulchro tribus diebus, Corpus Christi mansit in sepulchro duabus noctibus, sumpta parte pro toto: fuere duæ noctes integræ & una dies: per illas significata est mors duplex, animæ & corporis, à quibus nos Christus suâ morte liberavit, per abus noctem

ctibus,
& die
uno.

Pf. 15.10

diem autem vita gratiæ, quam nobis acquisi-
vit. Non fuit corruptum corpus juxta vati-
cinium: *Non dabis sanctum tuum videre cor-
ruptionem*, quia si corruptum fuisset, utique &
à persona Verbi destitutum: nihil autem reli-
quit, quod semel assumpsit. Utinam à corru-
ptione peccati ego præserver, ne à Deo
unquam deserar!

Amen.



PARS